

# basic education

Department:
Basic Education
REPUBLIC OF SOUTH AFRICA

# NASIONALE SENIOR SERTIFIKAAT

**GRAAD 12** 

# **AFRIKAANS EERSTE ADDISIONELE TAAL V3**

**FEBRUARIE/MAART 2017** 

**MEMORANDUM** 

**PUNTE: 100** 

GOEDGEKEUR:	
INTERNE	
MODERATOR	
28 Maart 2017	

Hierdie memorandum bestaan uit 17 bladsye wat drie rubrieke insluit.

#### **ALGEMEEN**

1. Gebruik die rubrieke soos volg:

BYLAE A: VRAAG 1 **OPSTEL** BYLAE B: INFORMELE BRIEF VRAAG 2.1 VRAAG 2.2 HULDEBLYK VRAAG 2.3 RESENSIE VRAAG 2.4 DIALOOG BYLAE C: VRAAG 3.1 **PLAKKAAT DAGBOEKINSKRYWINGS** VRAAG 3.2 VRAAG 3.3 **INSTRUKSIES** 

- 2. Bestudeer en bespreek die rubrieke baie deeglik. Let veral daarop dat beplanning, formaat, redigering en struktuur by die rubrieke ingesluit is.
- As 'n onderwerp misgetas is, word die leerder se antwoordeboek na die senior nasiener verwys. Die leerder moet volgens die rubrieke baie laag op inhoud aangeslaan word.

Indien daar twyfel oor 'n onderskeidingskandidaat se skryfstuk(ke) bestaan, moet dit eweneens met die senior nasiener bespreek word.

- 4. Indien 'n skryfstuk **grootliks uit die vraestel saamgeflans** word of dele van opdragte uit die vraestel net so oorgeskryf word, ontvang die leerder **geen punte nie**. Kommentaar sal wees: **Nie eie werk nie/Saamgeflans**.
- 5. Indien dele van die skryfstuk wel die leerder se eie werk is, assesseer hierdie dele volgens die laagste kode.
- 6. Die nasiener moet die voorgeskrewe nasiensimbole (bl. 3) gebruik by die nasien van 'n skryfstuk. Om net strepe te trek is ONAANVAARBAAR.
- 7. Die kandidaat word nie gepenaliseer indien hy/sy minder as die minimum of meer as die maksimum woorde gebruik nie.
- 8. Visuele tekste: VRAAG 1.6.1–1.6.3
  - Die titel en die visuele prikkel behoort by mekaar aan te sluit.
  - Indien die titel nie by die visuele prikkel pas nie, maar die inhoud spreek steeds die visuele prikkel aan, word die titel geïgnoreer.
  - Die onderwerpe kan verhalend, beskrywend, bespiegelend, beredeneerd of argumenterend wees. Die prente dien slegs as prikkels.

#### SIMBOLE/TEKENS BY DIE NASIEN

Die volgende simbole/tekens behoort deur alle provinsies gebruik te word:

VERDUIDELIKING	SIMBOOL	BESKRYWING	
Woordorde	$( ) \rightarrow$	Hakies en pyltjie	
Spelfout	=	Twee kort strepies onder 'n woord	
Woordkeuse	1	Haal met 'n streep deur	
Tydfoute	<b>T</b> (in die kantlyn)	Hoofletter <b>T</b>	
Woord(e) weggelaat	٨	Weglaatteken	
Taalfoute		Enkelstreep onder die taalfout	
Paragraafindeling		Dubbele skuinsstreep	
Paragraaf is een lang, lomp sin	[	Begin van 'n nuwe sin	
<ul> <li>Woorde uit ander tale/nie-funksionele/vreemde woorde</li> <li>Standaardafrikaans bly die norm.</li> <li>Gebruiksafrikaans moet vermy word.</li> <li>Aanvaar terminologie waarvoor Afrikaans nog nie ekwivalente het nie.</li> </ul>	X	Trek 'n X bo die verkeerde woord.	
Erkenning van taaljuweeltjies	✓ (bo die woord)	Regmerkie bo goeie taalgebruik, idees of uitdrukkings	
Herhaling	<b>hh</b> (in die kantlyn)	Dubbele <b>hh</b>	
Onduidelik/Onverstaanbaar	$\int$ (in die kantlyn)	Kronkelstreep	
Saamgeflans uit vraestel	<b>Vr</b> (in die kantlyn)	Hoofletter V kleinletter r	
Punktuasie	0	Omkring	

#### **NEERSKRYF VAN PUNTE**

- 1. Gebruik die korrekte rubriek vir elke tipe skryfstuk.
- 2. Assesseer die leerder se skryfstukke na aanleiding van die vyf HOOFVLAKOMSKRYWINGS volgens:
  - AFDELING A: **INHOUD en BEPLANNING** (30 punte), **TAAL, STYL en REDIGERING** (15 punte) en **STRUKTUUR** (5 punte)
  - AFDELING B: INHOUD, BEPLANNING en FORMAAT (18 punte) en
    - TAAL, STYL en REDIGERING (12 punte)
  - AFDELING C: INHOUD, BEPLANNING en FORMAAT (12 punte) en

TAAL, STYL en REDIGERING (8 punte)

- Bepaal heel eerste in watter hoofvlakomskrywing die skryfstuk val, byvoorbeeld KNAP.
  - Bepaal vervolgens of die skryfstuk in die hoë- of laevlaksubkategorie val, byvoorbeeld KNAP Hoë vlak.
  - Assesseer dan watter punt die skryfstuk verdien. Skryf slegs een punt neer, byvoorbeeld uit die kategorie (22–24) kies en skryf die nasiener 22 uit 30 vir Inhoud en Beplanning.
  - Dieselfde werkswyse word by Taal, Styl en Redigering gevolg.
- 4. Hou die **puntetoekenning** by die vlakomskrywings in gedagte. Dis 'n hulpmiddel.
- 5. Let daarop dat AFDELING B en C nie onderskei tussen hoë en lae vlakke nie.
- 6. Skryf die punte soos volg neer:

AFDELING A	Kode	Punt
l/B	Knap +	22
T/S/R	Uitsonderlik -	13
S	Knap	4
TOTAAL:		39

AFDELING B	Kode	Punt
l/B/F	Gemiddeld	10
T/S/R	Elementêr	5
TOTAAL:		15

#### TAALVAARDIGHEID: SKRYF EN AANBIED

Hierdie memorandum moet saam met die aangehegte Afrikaans EAT-assesseringsrubrieke vir AFDELING A, B en C gebruik word.

**LET WEL:** Leerders word nie addisioneel gepenaliseer vir afwykings nie, want die rubrieke maak daarvoor voorsiening.

#### AFDELING A: OPSTEL

#### 1.1 So 'n kans kom net een keer.

- Die leerder kan enige tipe opstel aanbied, byvoorbeeld verhalend/beskrywend/bespiegelend.
- 'n Opstel kan ook elemente van verskillende tipes opstelle bevat. Verskillende persoonlikheidstipes en belangstellingsvelde word in ag geneem.
- Hierdie opstel leen hom die beste tot die volgende opsteltipes:
  - Verhalende opstel: Hier kan die leerder bv. op 'n interessante wyse vertel van 'n/die kans wat net een keer in 'n mens se lewe kom. Die kans kan die skrywer dus beïnvloed/herinner om anders oor 'n saak/persoon/gebeurtenis te dink. Kandidaat mag ook skryf oor kanse in die meervoud, maar dit moet duidelik blyk dat dit geleenthede is wat selde voorkom.
  - **Beskrywende opstel**: Hier kan die leerder bv. op 'n lewendige wyse die kans wat net een keer in 'n mens se lewe kom, beskryf.
  - ➤ Bespiegelende opstel: Hier kan die leerder bv. oor die kans wat net een keer kom, bespiegel. Die leerder oorweeg/deurdink die situasie/kans wat net een keer kom. Die leerder kan ook bv. bespiegel hoe anders dinge kon wees indien hy/sy nie die kans gehad het nie. Dis belangrik dat die uiteinde van die bespiegeling by die onderwerp aanpas, naamlik dat die leerder besef dat die kans net een keer in 'n mens se lewe kom
- Assesseer die opstel sonder vooroordeel vanuit die leerder se oogpunt en volgens sy/haar interpretasie.

Kopiereg voorbehou Blaai om asseblief

[50]

#### 1.2 Die foto's van my hoërskooljare

- Die leerder kan enige tipe opstel aanbied, byvoorbeeld beskrywend/verhalend/bespiegelend/beredeneerd/argumenterend.
- 'n Opstel kan ook elemente van verskillende tipes opstelle bevat. Verskillende persoonlikheidstipes en belangstellingsvelde word in ag geneem.
- Kandidaat kan die foto's as positiewe of negatiewe herinneringe voorhou.
- Hierdie opstel leen hom die beste tot die volgende opsteltipes:
  - ➤ **Beskrywende opstel**: Hier kan die leerder bv. op 'n lewendige wyse die foto's van sy/haar hoërskooljare beskryf.
  - ➤ **Verhalende opstel**: Hier kan die leerder bv. op 'n interessante wyse van gebeure rondom die foto's van sy/haar hoërskooljare vertel.
  - ➤ Bespiegelende opstel: Hier kan die leerder bv. oor die foto's van sy/haar hoërskooljare bespiegel. Die leerder sal die foto's oorweeg/deurdink en dalk wonder wat van al die skoolmaats geword het.
- Assesseer die opstel sonder vooroordeel vanuit die leerder se oogpunt en volgens sy/haar interpretasie.

[50]

### 1.3 **Is ek reg vir 2017?**

- Die leerder kan enige tipe opstel aanbied, byvoorbeeld bespiegelend/verhalend/ beskrywend/beredeneerd/argumenterend.
- 'n Opstel kan ook elemente van verskillende tipes opstelle bevat. Verskillende persoonlikheidstipes en belangstellingsvelde word in ag geneem.
- Hierdie opstel leen hom die beste tot die volgende opsteltipes:
  - ➤ **Bespiegelende opstel**: Hier kan die leerder bv. bespiegel oor of hy/sy werklik reg is vir die lewe/geleenthede/2017, ens. Die leerder sal die situasie wat hy/sy skep, oorweeg/deurdink.
  - ➤ Verhalende opstel: Hier kan die leerder bv. op 'n interessante wyse vertel wat gebeur (het) dat hy/sy by die vraag uitkom of hy/sy werklik reg is/was vir 2017.
  - Beredeneerde opstel: Hier moet die leerder in 'n gebalanseerde opstel redeneer in watter opsig(te) hy/sy werklik reg is vir watter situasie hy/sy ookal skep met 2017 in gedagte. Die leerder moet die standpunt(e) motiveer en mag 'n gevolgtrekking insluit.
  - ➤ **Argumenterende opstel:** Hier moet die leerder 'n rede/redes aanvoer waarom hy/sy gereed is of nie.
- Assesseer die opstel sonder vooroordeel vanuit die leerder se oogpunt en volgens sy/haar interpretasie.

[50]

#### 1.4 Wen is nie alles nie.

- Die leerder kan enige tipe opstel aanbied, byvoorbeeld beredeneerd/ argumenterend/verhalend/beskrywend/ bespiegelend.
- 'n Opstel kan ook elemente van verskillende tipes opstelle bevat. Verskillende persoonlikheidstipes en belangstellingsvelde word in ag geneem.
- Dis belangrik dat die kandidaat nie bloot vassteek by "wen" nie. Die opdrag is duidelik: die kern van hierdie opstel is dat wen nie die oorheersende faktor behoort te wees nie.
- Hierdie opstel leen hom die beste tot die volgende opsteltipes:

NSS - Memorandum

- ➤ Beredeneerde opstel: Hier moet die leerder in 'n gebalanseerde opstel redeneer waarom hy/sy sê wen is nie alles nie of wen is alles. Die leerder moet die standpunt(e) motiveer en kan tot 'n gevolgtrekking kom.
- > Argumenterende opstel: Hier moet die leerder 'n rede/redes aanvoer waarom wen nie alles is nie of wel alles is.
- ➤ Verhalende opstel: Hier kan die leerder bv. op 'n interessante wyse vertel van 'n insident as bewys dat wen nie alles is nie en/of wat wel belangrik in sy/haar lewe is.
- ➤ **Beskrywende opstel**: Hier kan die leerder bv. op 'n lewendige wyse beskryf hoe/waarom wen nie alles is nie.
- ➤ **Bespiegelende opstel**: Hier kan die leerder bv. bespiegel/wonder of wen alles is of nie.
- Assesseer die opstel sonder vooroordeel vanuit die leerder se oogpunt en volgens sy/haar interpretasie.

#### 1.5 Ons moet meer liefhê.

- Die leerder kan enige tipe opstel aanbied, byvoorbeeld argumenterend/ beredeneerd/bespiegelend/verhalend/beskrywend.
- 'n Opstel kan ook elemente van verskillende tipes opstelle bevat. Verskillende persoonlikheidstipes en belangstellingsvelde word in ag geneem.
- Die begrip "meer" moet in die opstel raakgesien word.
- Hierdie onderwerp leen hom die beste tot die volgende opsteltipes:
  - > Argumenterende opstel: Hier neem die leerder reg van die begin af die standpunt in, naamlik dat ons meer moet liefhê en motiveer die standpunt.
  - ➤ Beredeneerde opstel: Hier redeneer die leerder in 'n gebalanseerde opstel of ons meer moet liefhê of nie. Die leerder mag uiteindelik 'n gevolgtrekking insluit.
  - ➤ Bespiegelende opstel: Hier kan die leerder bv. bespiegel/wonder hoekom/of ons meer moet liefhê of nie.
  - ➤ **Verhalende opstel**: Hier kan die leerder bv. op 'n interessante wyse vertel van 'n insident waar hy/sy uitgevind het dat om **meer** lief te hê die antwoord is.
  - > **Beskrywende opstel**: Hier kan die leerder bv. op 'n lewendige wyse beskryf waarom ons **meer** moet liefhê of nie.
- Assesseer die opstel sonder vooroordeel vanuit die leerder se oogpunt en volgens sy/haar interpretasie.

#### 1.6 **VISUELE PRIKKELS**

- Die inhoud van die opstel moet by die visuele prikkel pas. Die nasiener moet onthou dat hierdie visuele prikkels oop is vir 'n verskeidenheid interpretasies. Die leerder se perspektief moet by assessering oorweeg word.
- Die vrae is só geformuleer en die prente só gekies dat 'n persoonlike inkleding van die gekose onderwerp/prent van die leerder verwag word.
- 'n Opstel kan ook elemente van verskillende tipes opstelle bevat. Verskillende persoonlikheidstipes en belangstellingsvelde word in ag geneem.

#### 1.6.1 Prentjie: Gesin wat in 'n rigting wys

- Die leerder kan enige soort opstel aanbied:
- Letterlike interpretasie: gesin wat iets sien, enkelouergesinne, die rol van verskillende lede van die gesin, die gesin wat saam na iets kyk, ens.

Kopiereg voorbehou Blaai om asseblief

[50]

[50]

- Figuurlike interpretasie: Gesinsbande, die gevoel van "om te behoort", mense het ander mense nodig, die toekoms saam, ens.
- Indien die kandidaat leiding/rigtingwysing in die verkeerde rigting aangespreek het, (bv bendes) moet sodanige opstel met diskresie nagesien word. Die prent dui veel eerder in 'n positiewe rigting.

[50]

• Assesseer die opstel sonder vooroordeel vanuit die leerder se oogpunt en volgens sy/haar interpretasie.

#### 1.6.2 **Prentjie: Kers wat brand**

- Die leerder kan enige soort opstel aanbied: Letterlike interpretasie: Kerse gebruik, elektrisiteitskrisis, beurtkrag, arm grootword, ens.
  - Figuurlike interpretasie: romantiese aand, idiomatiese betekenis bv. Die kers aan beide kante brand (te hard werk, te veel hê om te doen), iemand se kers uitdoof (laat ophou), nie by iemand kan kers vashou nie (nie sy gelyke wees nie), 'n kers vir iemand brand (aan hom/haar dink), ens.
- Assesseer die opstel sonder vooroordeel vanuit die leerder se oogpunt en volgens sy/haar interpretasie.

[50]

#### 1.6.3 Prentjie: Plaaspad met oop hek en windpompe

- Die leerder kan enige soort opstel aanbied:
   Letterlike interpretasie: Die plaaslewe, die plaasomgewing, oop hekke, die natuur,
   windpompe, water, die noodsaaklikheid van water, plaasaanvalle.
   Figuurlike interpretasie: vryheid, rustigheid, eensaamheid, afgesonderheid,
   geleenthede (oop hek), gevaar, (familie-)erfenis, moeilike paaie, bekende paaie.
- Assesseer die opstel sonder vooroordeel vanuit die leerder se oogpunt en volgens sy/haar interpretasie.

[50]

TOTAAL AFDELING A: 50

#### AFDELING B: LANG TRANSAKSIONELE TEKS

#### 2.1 **INFORMELE BRIEF**

#### **FOKUS**

Die leerder skryf 'n **informele brief** aan sy/haar maat om vir hom/haar raad te gee oor hoe om sy/haar gevoelens aan 'n meisie/seun oor te dra.

#### **KENMERKE**

- Die informele brief word aan 'n vriend/vriendin gerig.
- Die taal en styl van die brief is informeel.
- Die inleidingsparagraaf lei die doel van die brief in.
- Die liggaam brei uit op sy/haar raad en gee moontlike voorbeelde.

#### **FORMAAT**

Die formaat van die brief moet korrek wees.

#### Leestekens

Geen leestekens word in die adres, aanhef of slot gebruik nie.

#### Die adres en datum

- Die adres van die briefskrywer moet regs boaan in blokvorm geskryf word.
- Daar behoort nie 'n reël tussen die poskode en die datum oopgelaat te word nie.

**Toegewing**: 'n Reël kan tussen die poskode en datum oopgelaat word.

- Die datum word voluit geskryf: 15 Maart 2017.
- Let op die verskillende wyses waarop die adres geskryf kan word.

#### Die aanhef, afsluiting en slot

- Die aanhef word teen die linkerkantlyn geskryf.
- Maak toegewings vir die verskillende wyses waarop die vriend/vriendin aangespreek kan word.
- Die briefskrywer se naam vorm die slot.

#### Die paragrawe

- 'n Reël word na elke paragraaf oopgelaat.
- Die inleidingsparagraaf stel die rede vir die brief duidelik.
- Die liggaam van die brief brei uit op die rede vir die brief.
- Die slotparagraaf moet die brief saamvat en treffend wees.

Let op die verskillende wyses hieronder waarop die adres geskryf kan word.

# Voorbeelde van die briefskrywer se adres:

Kerkstraat 1 Posbus 88 Huis 342 Plot 588 Uitbreiding/Voorstad Pleknaam Pleknaam Kode Kode Kode

Kode

Rusthof Sewende laan 10 of Sewende Laan 10

Pleknaam Westdene Kode Kode

Let op die volgende: **Kerkstraat** is altyd een woord omdat dit 'n samestelling van TWEE soortname is. **Arcadia Straat** is 'n samestelling tussen 'n eienaam en 'n soortnaam en daarom kan dit soos volg geskryf word: Arcadiastraat, Arcadia Straat, Arcadia straat, Arcadia-straat, Arcadia-Straat. (*AWS*, 2009 bl. 121)

Geen Engels behalwe amptelike Engelse name, bv. Mandela Square, word aanvaar nie.

[30]

#### 2.2 **HULDEBLYK**

#### **FOKUS**

Die leerder skryf 'n huldeblyk oor 'n klasmaat.

#### **KENMERKE**

- Die huldeblyk handel oor die oorledene wat 'n belangrike rol in die leerder se lewe gespeel het.
- Die volgende besonderhede van die oorledene kan gegee word: naam en van, ouderdom, datum van afsterwe, oorsaak van dood, prestasies of hoogtepunte van die klasmaat se lewe, staaltjies oor die oorledene, die rol wat die oorledene in die leerder se lewe gespeel het.
- Die doel van die huldeblyk is om die klasmaat se lewe te vereer en om die betekenisvolle bydrae wat hy/sy gelewer het, uit te lig.
- Die gehoor moet 'n geheelbeeld van die klasmaat kry.
- Die familie word ook vertroos. Hierdie gedeelte word in die teenwoordige/ toekomende tyd geskryf.
- Die huldeblyk word in die verlede tyd geskryf wanneer daar na die klasmaat verwys word.
- Die toon, styl en woordkeuse is formeel, versagtend, liefdevol, vertroostend, bemoedigend en taktvol van aard.

Kultuurkontekste moet in ag geneem word.

#### **FORMAAT**

#### Opskrif

Die huldeblyk moet 'n opskrif hê.

Die huldeblyk mag 'n subopskrif insluit.

#### • Inleidende paragraaf

Die huldeblyk word met die groet ingelei en die aanwesiges se aandag word vasgevang. Die inleiding moet oor die verering van die klasmaat se lewe gaan. Die inleidende sin is baie belangrik.

#### Paragraaf 2 en verder

Die huldeblyk sluit verskillende hoogtepunte in wat persoonlike gebeure en staaltjies van die klasmaat se lewe bevat. Dit word in verskillende daaropvolgende paragrawe bespreek. Elke paragraaf handel (verkieslik) oor 'n nuwe feit/gedagte.

#### Slotparagraaf

In die slot kan die spreker ook vir die familie/klasmaats sterkte toewens.

[30]

#### 2.3 **RESENSIE**

#### **FOKUS**

Die leerder skryf 'n resensie oor 'n Afrikaans moet-lees boek.

#### KENMERKE

- n Resensie word geskryf as iemand iets beoordeel.
- Die boek word bespreek.
- Daar word kommentaar daarop gelewer.
- Om 'n mate van objektiwiteit te handhaaf, word die teks gewoonlik in die derde persoon geskryf.
- Die inhoud moet voldoende feite bevat om die leser te oorreed om die boek te lees of nie.
- Die titel gee gewoonlik klaar 'n aanduiding van die skrywer se mening.
- In die eerste paragraaf word die boek se naam gegee, gesê of die boek goed of sleg is. Die name van die skrywer en die karakters word gegee.
- Die tweede paragraaf kan 'n algemene indruk oor die boek gee.
- Die derde paragraaf kan iets oor die inhoud van die boek vertel.
- Die vierde paragraaf kan meer oor die taal van die boek vertel.
- Die slotparagraaf kan die resensent se laaste indrukke/gevolgtrekking/ samevatting en aanbeveling van die boek gee.

#### **FORMAAT**

- Die resensie moet 'n titel hê.
- Die resensie word in paragrawe geskryf.

[30]

#### 2.4 **DIALOOG**

#### **FOKUS**

Die leerder skryf die gesprek tussen hom/haar en sy/haar maat in dialoogvorm. Jy nooi jou maat om saam met jou met vakansie te gaan.

#### **KENMERKE**

- Die dialoog handel oor die vakansie wat julle saam beplan.
- Elke spreekbeurt dra by tot die doel van die dialoog.
- Die aanspreekvorm, taal en styl is informeel.
- Die spreekbeurte volg op mekaar om 'n aaneenlopende gesprek te vorm.
- Toon, styl en woordkeuse is vrolik en positief.

#### **FORMAAT**

- Leerder mag 'n konteks skets voordat die dialoog geskryf word.
- Die sprekers (leerder en maat) word netjies onder mekaar teenaan die linkerkantlyn aangedui.
- Die naam van die leerder kan met "Ek" vervang word.
- Na elke naam is 'n dubbelpunt.
- Geen aanhalingstekens word gebruik nie.
- Laat 'n reël na elke spreekbeurt oop. (Moenie penaliseer indien die reëls nie oopgelaat is nie.)
- Die spreekbeurte is in blokvorm.
- Ekstra inligting word tussen hakies voor die spreker se woorde geskryf of waar dit toepaslik is.

[30]

**LET WEL:** Alle woorde in die inhoud behalwe die name van die sprekers word getel.

#### ONTLEDING VAN LANGER TRANSAKSIONELE TEKS

Die vrae is só geformuleer dat 'n persoonlike inkleding van die gekose onderwerp van die leerder verwag word. Verskillende persoonlikheidstipes en belangstellingsvelde word in ag geneem.

TOTAAL AFDELING B: 30

#### AFDELING C: KORT TRANSAKSIONELE TEKS

#### **VRAAG 3**

#### 3.1 PLAKKAAT

#### **FOKUS**

Die leerder ontwerp 'n plakkaat om leerders te oortuig om in Suid-Afrika te bly.

#### **KENMERKE**

- Die plakkaat moet die graad 12-leerders oorreed in Suid-Afrika aan te bly en 'n verskil te maak.
- Die plakkaat teiken die graad 12-leerders.
- Die plakkaat noem waarom daar 'n toekoms in Suid-Afrika is.
- Die krag van 'n plakkaat lê in sy eenvoud.
- Die leser moet die plakkaat maklik verstaan.
- Hierdie plakkaat berus op die sogenaamde ABBA-beginsel:
  - > Die plakkaat moet 'n leser se **aandag** trek deur verskillende lettertipes en lettergroottes.
  - ➤ Die leser se **belangstelling** moet gewek word deur middel van interessante inhoud en uitleg.
  - Visuele aspekte en gevoelstaal is ook hier ter sprake.
  - Hierdie plakkaat moet 'n begeerte by die leser skep om in Suid-Afrika te wil bly.
  - As die plakkaat in sy doel slaag, sal die leser tot **aksie** oorgaan en in Suid-Afrika bly en 'n verskil maak.
- Toon, styl en woordkeuse moet lesers oorreed om in Suid-Afrika te bly.

#### **FORMAAT**

- Die volgende inligting moet in die plakkaat verskyn:
  - Hoekom moet ons in Suid-Afrika bly?
  - Watter bydrae kan die teikengroep in Suid-Afrika lewer?
  - Hoe kan die teikengroep daarby baat om in Suid-Afrika te bly?
  - Waarom word die inligting aangebied?
  - Kontakbesonderhede vir verdere navrae.

#### 3.2 DAGBOEKINSKRYWINGS

#### **FOKUS**

Die leerder maak TWEE **dagboekinskrywings** om te vertel van die afwagting die dag voor die konsert en die emosies die aand na die konsert.

#### KENMERKE

 Die dagboek is 'n informele skryfstuk wat spreek van die leerder se emosies oor die konsert en die ontmoeting van die gunstelingsanger/ -sangeres weergegee word.

Kopiereg voorbehou Blaai om asseblief

[20]

- Gevoelens/ervarings wat beleef word, word beskryf.
- Die dagboekinskrywings word in die eerste persoon geskryf.
- Plekke, familie en vriende word op die naam genoem.
- Toon, styl en woordkeuse moet die inhoud ondersteun.

#### **FORMAAT**

- Elke dagboekinskrywing moet die dag en/of datum hê wat boaan geskryf word.
- Die leerder moet TWEE dagboekinskrywings maak.
- Die eerste inskrywing behoort te handel oor die dag voor die konsert en die tweede inskrywing oor die aand na die konsert.
- Die leerder hoef nie met "Liewe Dagboek" te begin nie.
- Die uiteensetting van elke inskrywing mag in paragraafvorm wees.

#### LET WEL:

Getal woorde:
 In die dagboekinskrywings word slegs die getal woorde in die inhoud getel.

[20]

#### 3.3 INSTRUKSIES

#### **FOKUS**

Die leerder skryf instruksies neer oor hoe om 'n vuur vir 'n vleisbraai te maak.

#### **KENMERKE**

- Die instruksies moet maklik verstaanbaar uiteengesit word.
- Die fokus van die instruksies is oor hoe om 'n vuur te maak.
- Toon, styl en woordkeuse moet by die ontvanger van die instruksies en by die inhoud pas.

#### **FORMAAT**

- Die uiteensetting kan soos volg aangebied word:
  - > Puntsgewys:

Reëls tussen-in oopgelaat

Ander aanduiders soos koeëlpunte

- Paragraafvorm
- Die skryfstuk kan 'n opskrif hê, bv. Hoe om 'n vuur te maak.
- Die instruksies moet in volsinne aangebied word. Die sinne kan met werkwoorde begin.

[20]

#### ONTLEDING VAN KORTER TRANSAKSIONELE TEKSTE

Die vrae is só geformuleer dat 'n persoonlike inkleding van die gekose onderwerp van die leerder verwag word. Verskillende persoonlikheidstipes en belangstellingsvelde word in ag geneem.

TOTAAL AFDELING C: 20
GROOTTOTAAL: 100

DBE/Feb.-Mrt. 2017

#### LET WEL:

- Gebruik altyd die rubriek by die nasien van die opstel (Vraestel 3, AFDELING A).
- Punte van 0–50 is in VYF hoofvlakomskrywings verdeel.
- Die kriteria vir Inhoud, Taal en Styl is verder in elk van die vyf vlakomskrywings in 'n hoë- en laevlaksubkategorie verdeel, met die toepaslike verspreiding van punte en die omskrywings.
- Struktuur word nie deur die verdeling in 'n hoë en lae vlak beïnvloed nie.

# ASSESSERINGSRUBRIEK VIR OPSTEL (AFDELING A) - EERSTE ADDISIONELE TAAL [50 PUNTE]

Kriteria		Uitsonderlik	Knap	Gemiddeld	Elementêr	Onvoldoende
INHOUD EN		28-30	22–24	16–18	10–12	4–6
BEPLANNING		-Respons is	-Respons baie goed;	-Respons bevredigend	-Wisselvallige	-Respons heeltemal
		uitsonderlik/treffend	getuig van vaardigheid		samehang in respons	irrelevant
(Respons en idees)		en bo verwagting	-ldees heeltemal	samehangend en	-ldees onduidelik, nie	-ldees deurmekaar en
Organisering van idees		-ldees is intelligent,	relevant, baie	oortuigend	oorspronklik nie	nie op onderwerp
vir beplanning;	vlak	volwasse en	interessant en lewer	-Redelike organisasie	-Min bewys van	gefokus nie
Bewustheid van doel,		stem leser tot	bewys van	en redelik	organisasie en	-Vaag en herhalend
gehoor en konteks	Hoë	nadenke	volwassenheid	samehangend,	samehang	-Geen organisasie nie
30 PUNTE	_	-Uitsonderlike	-Organisasie baie	insluitend inleiding,		en is onsamehangend
30 PONTE		organisasie en	goed en	liggaam en		
		samehang, insluitend	samehangend, insluitend inleiding,	samevatting/slot		
		inleiding, liggaam en samevatting/slot	liggaam en			
		Same valuing/Siot	samevatting/slot			
		25–27	19–21	13–15	7–9	0-3
		-Respons uitmuntend,	-Respons goed; getuig	-Respons	-Respons is grootliks	-Geen poging
		maar uitsonderlik	van vaardigheid	bevredigend, maar	irrelevant.	aangewend om in
		treffende eienskappe	-ldees relevant,	verval soms in	-ldees begin los staan	ooreenstemming met
	J	van 'n opstel ontbreek	interessant	onduidelikheid	en kan verwarrend	onderwerp te wees nie
	vlak	-ldees intelligent en	-Organisasie goed en	-ldees redelik	wees	-Heeltemal irrelevant
		volwasse	samehangend,	samehangend en	-Skaars 'n bewys van	en ontoepaslik
	Lae	-Knap organisasie en	insluitend inleiding,	oortuigend	organisasie en	-Deurmekaar en geen
	_	samehang, insluitend	liggaam en	-'n Mate van	samehang	fokus nie
		inleiding, liggaam en	samevatting/slot	organisasie en		
		samevatting/slot		samehang, insluitend		
				inleiding, liggaam en		
				samevatting/slot		

BYLAE A

#### 15 NSS – Memorandum

# ASSESSERINGSRUBRIEK VIR OPSTEL (AFDELING A) – EERSTE ADDISIONELE TAAL [50 PUNTE] (vervolg)

Kriteria		Uitsonderlik	Knap	Gemiddeld	Elementêr	Onvoldoende
TAAL, STYL EN		14–15	11–12	8–9	5–6	0-3
REDIGERING  Toon, register, styl en woordeskat is geskik vir doel/effek en konteks; Woordkeuse; Taalgebruik en konvensies, punktuasie, grammatika, spelling	Hoë vlak	-Toon, register, styl en woordeskat hoogs gepas vir doel, gehoor en konteks -Taalgebruik getuig van vertroue, indrukwekkend -Grammatika en spelling feitlik foutvry -Knap gedaan	-Toon, styl, register en woordeskat baie gepas vir doel, gehoor en konteks -Taalgebruik effektief -Grammatika en spelling grootliks foutvry -Baie goed gedoen	-Toon, register, styl en woordeskat gepas vir doel, gehoor en konteks -Gepaste taalgebruik om betekenis oor te dra -Retoriese middele gebruik om betekenis te versterk	-Toon, register, styl en woordeskat nie gepas vir doel, gehoor en konteks nie -Taalgebruik baie basies -Woordkeuse skaars toepaslik -Baie beperkte woordeskat	-Toon, register, styl en woordeskat minder gepas vir doel, gehoor en konteks - Taal onverstaanbaar -Woordeskat so beperk dat dit onmoontlik is om sin te maak
grammatika, spelling		13	10	7	4	
15 PUNTE	Lae vlak	-Toon, register, styl en woordeskat is effektief -Taalgebruik uitstekend -Grammatika en spelling feitlik foutvry -Baie goed tot knap gedaan	-Toon gepas en effektief -Taalgebruik toepaslik en oor die algemeen effektief -Enkele foute in grammatika en spelling -Goed gedoen	-Toon oor die algemeen gepas en beperkte gebruik van retoriese middele -Voldoende taalgebruik, maar teenstrydighede word opgemerk	-Taalgebruik onvoldoende -Weinig indien enige sinsverskeidenheid -Woordeskat baie beperk	
STRUKTUUR		5	4	3	2	0–1
Kenmerke van teks; Paragraafontwikkeling en sinskonstruksie 5 PUNTE		-Uitstekende ontwikkeling van onderwerp -Uitsonderlike detail -Sinne en paragrawe uitsonderlik gekonstrueer	-Logiese ontwikkeling van relevante detail -Samehangend -Sinne en paragrawe logies en toon variasie	-Relevante detail ontwikkel -Sinne en paragrawe goed gekonstrueer -Opstel maak nog sin	-Sommige detail relevant -Sommige sinne en paragrawe foutief gekonstrueer -Opstel maak nog effens sin	-Noodsaaklike detail ontbreek -Sinne en paragrawe foutief gekonstrueer -Opstel maak nie meer sin nie
VERSPREIDING VAN PUNTE		43–50	33–40	23–30	13–20	0–10

#### **BYLAE B**

DBE/Feb.-Mrt. 2017

# ASSESSERINGSRUBRIEK VIR LANG TRANSAKSIONELE TEKSTE (AFDELING B) - EERSTE ADDISIONELE TAAL [30 PUNTE]

Kriteria	Uitsonderlik	Knap	Gemiddeld	Elementêr	Onvoldoende
INHOUD,	15–18	11–14	8–10	5–7	0–4
BEPLANNING EN	-Respons	-Respons baie goed	-Respons voldoende	-Basiese respons	-Respons toon geen
FORMAAT	uitsonderlik, bo	en demonstreer goeie	en toon voldoende	toon geringe kennis	kennis van kenmerke
	verwagting	kennis van kenmerke	kennis van kenmerke	van kenmerke van die	van die soort teks nie
Respons en idees;	-ldees intelligent en	van die soort teks	van die soort teks	soort teks	-Betekenis onduidelik
Organisering van idees vir	volwasse	-Behou fokus – geen	-Nie heeltemal	-Aanduiding van	met groot afwyking
beplanning;	-Grondige kennis van	afwyking nie	gefokus nie – enkele	fokus, maar met	-Geen samehang in
Doel, gehoor,	kenmerke van die	-Samehang in inhoud	afwykings	afwykings	idees en inhoud nie
kenmerke/konvensies	soort teks	en idees; baie goed	-Redelike samehang	-Inhoud en idees nie	-Baie min detail
en konteks	-Skryfwerk behou	uitgebrei met detail	in inhoud en idees	altyd samehangend	ondersteun die
	fokus	wat die onderwerp	-Sommige detail	nie	onderwerp
18 PUNTE	-Samehang in inhoud	ondersteun	ondersteun die	-Min detail	-Nodige reëls van
	en idees	-Gepaste formaat met	onderwerp	ondersteun die	formaat nie toegepas
	-ldees behoorlik	onbeduidende foute	-Formaat oorwegend	onderwerp	nie
	uitgebrei met detail		gepas, maar met	-Nodige reëls van	
	wat die onderwerp		enkele foute	formaat vaagweg	
	ondersteun			toegepas	
	-Gepaste en akkurate			-Kritiese foute begaan	
<b></b>	formaat				
TAAL, STYL EN	10–12	8–9	6–7	4–5	0–3
REDIGERING	-Toon, register, styl	-Toon, register, styl	-Toon, register, styl	-Toon, register, styl	-Toon, register, styl
	en woordeskat hoogs	en woordeskat baie	en woordeskat is	en woordeskat	en woordeskat stem
Toon, register, styl,	geskik vir doel,	geskik vir doel,	geskik vir doel,	minder geskik vir	nie ooreen met doel,
doel/effek, gehoor en	gehoor en konteks	gehoor en konteks	gehoor en konteks	doel, gehoor en	gehoor en konteks
konteks;	-Grammatika	-Grammatika oor die	-Enkele	konteks	nie
Taalgebruik en konvensies;	akkuraat en goed	algemeen korrek en	grammatikafoute	-Grammatika	-Besaai met foute en
Woordkeuse;	gekonstrueer	goed gekonstrueer	-Voldoende	onakkuraat met etlike	verward
Punktuasie en spelling	-Feitlik foutloos	-Baie goeie	woordeskat	foute	-Woordeskat nie
12 PUNTE		woordeskat	-Foute belemmer nie	-Basiese woordeskat	geskik vir doel nie
12 PUNIE		-Oorwegend foutloos	betekenis nie	-Betekenis belemmer	-Betekenis ernstig belemmer
VERSPREIDING VAN PUNTE	25–30	19–23	14–17	9–12	0–7

# NSS – Memorandum

**BYLAE C** 

# ASSESSERINGSRUBRIEK VIR KORTER TRANSAKSIONELE TEKSTE (AFDELING C) – EERSTE ADDISIONELE TAAL [20 PUNTE]

Kriteria	Uitsonderlik	Knap	Gemiddeld	Elementêr	Onvoldoende
INHOUD,	10–12	8–9	6–7	4–5	0-3
BEPLANNING EN	-Respons	-Respons baie goed	-Respons voldoende	-Basiese respons	-Respons toon geen
FORMAAT	uitsonderlik, bo	en demonstreer goeie	en toon voldoende	toon geringe kennis	kennis van kenmerke
	verwagting	kennis van kenmerke	kennis van kenmerke	van kenmerke van die	van die soort teks nie
Respons en idees;	-ldees intelligent en	van die soort teks	van die soort teks	soort teks	-Betekenis onduidelik
Organisering van idees;	volwasse	-Behou fokus – geen	-Nie heeltemal	-Aanduiding van	met groot afwyking
Kenmerke/konvensies	-Grondige kennis van	afwyking nie	gefokus nie – enkele	fokus, maar met	-Geen samehang in
en konteks	kenmerke van die	-Samehang in inhoud	afwykings	afwykings	idees en inhoud nie
	soort teks	en idees; baie goed	-Redelike samehang	-Inhoud en idees nie	-Baie min detail
12 PUNTE	-Skryfwerk behou	uitgebrei met detail	in inhoud en idees	altyd samehangend	ondersteun die
	fokus	wat die onderwerp	-Sommige detail	nie	onderwerp
	-Samehang in inhoud	ondersteun	ondersteun die	-Min detail	-Nodige reëls van
	en idees	-Gepaste formaat met	onderwerp	ondersteun die	formaat nie toegepas
	-ldees behoorlik	onbeduidende foute.	-Formaat oorwegend	onderwerp	nie
	uitgebrei met detail		gepas, maar met	-Nodige reëls van	
	wat die onderwerp		enkele foute	formaat vaagweg	
	ondersteun			toegepas	
	-Gepaste en akkurate formaat			-Kritiese foute begaan	
TAAL, STYL EN	7 <b>–8</b>	5–6	4	3	0–2
REDIGERING	-Toon, register, styl	-Toon, register, styl	-Toon, register, styl	-Toon, register, styl	-Toon, register, styl
KEDIOLKINO	en woordeskat hoogs	en woordeskat baie	en woordeskat is	en woordeskat	en woordeskat stem
Toon, register, styl,	geskik vir doel,	geskik vir doel,	geskik vir doel,	minder geskik vir	nie ooreen met doel,
woordeskat geskik vir doel	gehoor en konteks	gehoor en konteks	gehoor en konteks	doel, gehoor en	gehoor en konteks
en konteks;	-Grammatika	-Grammatika oor die	-Enkele	konteks	nie
Taalgebruik en konvensies	akkuraat en goed	algemeen korrek en	grammatikafoute	-Grammatika	-Besaai met foute en
Woordkeuse;	gekonstrueer	goed gekonstrueer	-Voldoende	onakkuraat met etlike	verward
Punktuasie en spelling	-Feitlik foutloos	-Baie goeie	woordeskat	foute	-Woordeskat nie
		woordeskat	-Foute belemmer nie	-Basiese woordeskat	geskik vir doel nie
8 PUNTE		-Oorwegend foutloos	betekenis nie	-Betekenis belemmer	-Betekenis ernstig
					belemmer
VERSPREIDING VAN	17–20	13–15	10–11	7–8	0–5
PUNTE					